

ILLVSTRISSIMVS, ac REVERENDISSIMVS

DOMINVS DOMINVS

JOSEPH. MARTONFI

DE CSIK - MIND - SZENT

DEI, ET APOSTOLICÆ SEDIS GRATIA

M. PRINCIPATVS TRANSILYANIÆ

EPISCOPVS

etc. etc. etc.

DVM

DIEM ONOMASTICVM AGERET,

A SCHOLIS PIIS BISTRICIENSIBVS

CELEBRATVS

Disce puer virtutem ex me, verumque laborem

Virgilius. L. XII. Aeneid.

I.

Frustra recondas flammigeram facem
Densis tenebris, nubila findere,
Lucisque puræ pertinacem
Spargere purpureos decores.

Frustra labores tollere candidum
Gemmis nitorem, quem dedit arbitra
Natura rerum, seu profunda
Valle premas, pluvioue caelo.

Ter nigra nubes occupet æthera:
Fremant procellæ murmure non levi:
Depræliantium Notique,
Et Boreæ gelida sub Arcto

Infanus ardor Carpathii maris
Cæcas latebras verset, & insolens
Fidentioribus carinis
Exitium minitetur atrox:

Dementne quidquam luminis aureo
Soli? vel alti fideribus poli
Ridentibus vanos tumultus,
Et furias nimium protervas?

Excelsa virtus, et sapientia
Plenumque magni munere consili
Pectus, licet fortuna frontem
Torva premat, renuunt latere.

Quis pervicaci ludibrio gravem
Sortis malignæ, scandere regios
Currus Josephum, post catenas
Conspicuum nivea corona, &

Regi secundum per Mareoticas
Oras putasset? Scilicet inclita
Virtus per arduos labores
Emicat, & super astra tendit.


Præfaga Vatum Bistriciensium
Dixere nuper Carmina Te fore
Pedoque, & insignem tiara,
Fatidica melius Sybilla.

Iamque

Iamque ominatis fulget honoribus
Vertex decoro lumine clarior:
Iam grex tener Pastore tanto
Pascua læta petit fugacis

Expers timoris. Iam videor lupos
Videre fufos abdita montium,
Et pallidò exsangves timore
Ambiguos nemorum recessus

Adire mæstos. Cedite, cedite
Vestris latebris trans mare Caspium;
Instat vigil Pastor revulsis
Impavidus pepulisse lustris.



II.

Qui lavas unda veteres recenti
Claudiae muros, age, dic Samusi!
Cui nitent crines humero volantes,
Barbaque pexa?

Quid serenato meditare vultu?
Cur tui lento latices fufurro
Defluunt cana nive puriores,
Æquore aperto?

Cui rosas Nymphæ, violas, crocumque
Sedulæ carpunt, per aprica ruris?
Cuius insignem capiti corollam im-
ponere gaudent?

Hospes! ignoras? sacra quæ parentur,
Hac die, quando pueri, senesque
Præfulis nostri celebrare certant
Nominis ortus.

Hunc finu quondam puerum paterno
Parvulum fovi: vigor eminebat
● Ingeni iam tum, probitasque morum,
Raraque virtus.

Tempo:

Temporis lapsu, studioque magno
Grevit et virtus, et amica Pallas
Imbuit pectus docile, et severas
Indidit artes.

Iam calent aræ, crepitantque thura:
Cernis, ut fumus superas in auras
Efferat sese, tenerumque late
Spargat odorem?

Iamque Musarum chorus ambit aras,
Audio celso pia vota cælo
Missa, ut æternent Superi fluentes
Præfulis annos.

O puer quisquis celebrem diei
Aspicias pompam, fuge peius ængve
Otium turpis vitii parentem:
Disce laborem:

Disce virtutem. Meritos honores
Sola fert virtus, similemque magnis
Efficit Divis, paritura longum,
Nomen, in ævum.

Quinta